



**KOMMUNALBESTYRELSIP  
IMMIKKUT ITTUMIK ATAATSIMIINNERA  
ATAASINNGORNEQ ULLOQ 5. JULI 2021 NAL. 14:00**

**Peqataasut:**

Palle Jerimiassen (AT), borgmester  
Jens Ole Nathanielsen (IA), borgmesterip tullia siulleq  
Sakio Fleischer (S), borgmesterip tulliata aappaa  
Aqqalu Clasen Jerimiassen (A)  
Knud Kleemann (A)  
Minik Høegh-Dam (AT)  
Lena Ravn Davidsen (D)  
Bendt B. Kristiansen (IA)  
Niels Davidsen (IA)  
Anthon Frederiksen (N)  
Jens Napåtok' (N)  
Ane Qujaukitsoq (S)  
Elisabeth Nielsen (S)  
Jakob Petersen (S)  
Jens Kristian Therkelsen (S)  
Jørgen Kruse (S)  
Magrethe Christensen (S)

**Pisortaaneq:** Nick Nielsen  
**Imaqarniliortoq:** Pisortaaneq  
**Immikkut peqataasut:** Pisortaqatigijit  
**Nutserisut:**  
**Ingerlannera:** Telefonikkut

<b>KOM</b>	<b>QUEQUTAQ</b>	<b>BILAG</b>
21-040	Sullissinissamut najoqqtassat	001
21-041	Politikkikut ataatsimiiffissat 2021	002
21-042		003
21-043		004
21-044		005

**Aalajangiussaq:**

Sag nr.	Sammisaq	Bilag nr.	001
KOM 21-040	Sullissinissamut najoqqutassat	Journal nr.	

### Uteqqiineq:

Uummannap eqqaani upernaaq tassaarsuaqartoqarsinnaaneranik ilimanaateqartoq Naalakkersuisut kommune peqatingalungu sumiiffinni tamani paasitsiniaapput. Innuttaasut tassaarsuartoqaratarsinnaaneranut annilaangateqartut toqqisisimannngittullu pisortaniit periarfissinneqarput sumiiffimmut allamut nuussinnaasut. Uani suliami kommunalbestyrelse ilisimatinneqarpoq nuukkusuttunut sullissinissamut najuqqutassamik, allattoqarfiup Namminersorlutik Oqartussat suleqatingalungit sullissinissamut najoqqutassaq inassusingaa akuerineqassasoq.

### Suliap saqqummiunnera:

Naalakkersuisut maajip ingerlaneranni kommune peqatingalungu Uummannap eqqaani inoqarfii tamaasa tikippaat qaqqap Umiammakkup Karrat Kangerluaniittup nakkaariataarsinnaaneranik innuttaasunut ilisimatisiartorlutik. Qaqqaq nakkaariataassanguni tassaarsuarmik pilersitsisinnaasoq immikkut ilisimasallit oqariartorput, inoqarfii tamarmik eqqorneqassapput nunallu assinganik sumiiffinni tamani suliaqartoqarpoq tassaarsuuq angusassai ersersinneqarlutik.

Namminersorlutik Oqartussat kommunilu suleqatingiillutik nuukkusuttunut sullissinissamut najoqqutassamik suliaqarput, najoqqutassaq Inatsisartut Aningasaqarnermut Akileraartarnermullu Ataatsimiititaliaani aamma sulanerineqarpoq.

### *Iluarsiinissamut siunnersuut – sammisanut tunngatillugu nalilersuineq*

#### **Kiffaanngissuseq**

Naalakkersuisut kommune peqatingalungu oqariartuuteqarput innuttaasut namminneq aaliangissangaat sumi najungaqarnerlutik, nunatsinni innuttaasut sumi najungaqarnissartik tassuunakkullu aaliangiisinnanertik apeqqummi kiffaanngissuseqarfingaat.

#### **Nuunniarluni aaliangerneq**

Inuttaasut tassaarsuaqarnissaanut annilaangateqartut toqqisisimannngittullu pisortaniit periarfissinneqassapput imaluunnit aqutissiunneqassapput sumiiffimmut allamut nuussinnaanerannut, pineqartut sumiiffimmut nuuffingerusutaminnut kissaateqassapput tamannalu piviusunngortiniarneqassooq.

Assersuutingalungu Qaarsuniit Ilulissanut ilaqtariit nuukkusullutik immersuingunik inissaaleqisut allattorsimaffianiilissapput inissaaleqisunilu salliutinneqalerlutik. Inissiaatileqatingiiffik INI AS Ilulissani inissamik attartorneqarsinnaasumik periarfissaqartitsilerpat ilaqtariit Qaarsuniit Uummannamut nuukkallarneqassapput, piffissami tassani pequtaat Ilulissanut assartorneqassapput. Nuukkallarfiusinnaasut Uummannap avataani aamma ingerlanneqarsinnaapput. Ilulissanut pequtit tikippata ilaqtariit Uummannamiit Ilulissanut ataavartumik najungaqarfissaminut nuussapput.

#### **Aningaasartuutit**

Ilaqtariit nuunnermut attuumasunut aningaasartuuteqassanngillat, uani pineqarput pequtit poortorneri nuunnerinullu angalanerit, kisianni inuuniarnermi atukkanut soorlu nerisassarsutissanut Uummannami inissikkallarnermi namminneq aningaasartuutingissavaat.

#### **Inissamut akiliutissat**

Ilulissani nammineq ataavartumik initaaminut qaammammut allat assingalungit akiliisassapput, aamma ilaqtariit akiliisinnaassuseqarsimangunik depositum namminneq akilissavaat, akiliisinnaassuseqarsimangikkunik pisortani ikorsiissutit naapertorlungit kommunemiit sullinneqassapput.

#### **Neqeroorummut naaggaarneq**

Qaarsuni ilaqtariit initaarnissaminut immersuereernermeri kingorna Ilulissani neqeroorummut naaggaarunik nuukkusullutik ikiorserneqarnissaat tassuunakkullu sullinneqarnerat unitsinnejassooq. Innuttaasut annilaangateqartut toqqisisimannngittullu sullinneqarnissaat salliutinneqarpoq.

***Ingerlariaaqqinnissaq***

Qulaani sullissinissamut toqqammavissaq Uummannap eqqaani innuttaasunut tassaarsuarmik anguneqartussanut allakkatingut ingerlateqqinneqassooq, sumiiffinni assersuutingalugu Qaarsuni nunaqarfimmi aqutsisut taamatuttaaq ilisimatinneqassapput. Innuttaasut ilaat saaffinginnippit illutik qullarlungit nuunneqarsinnaanersut, apeqput taanna Namminersorlutik Oqartussanit suliarineqarpoq kingusinnerusukkullu akissutissaq ingerlatinneqarumaarpoq.

**Kingunerisassat:****Sillimaniarnermut pilersaarutit**

Tassaarsuaqassangaluarpal nalornisoqannginnissaa anguniarlungu kommunimi qatserisartut sumiiffimmii innuttaasut peqatingalungit pisuusaartitsinernik ukioq maajimilu ingerlatsippit. Innuttaasut Uummannap eqqaani kommunimi sumiiffinnut allanut sanilliullungu ajutoortoqartussaattlungu pilersaarutit annerusumik eqqummaariffinginerusariaqartussaavaat. Sillimaniarnermut pilersaarutit innuttaasut sumiiffimmii qatserutaasivik peqatingalungu ineriertortillungit suliarisartussaavaat, qitiusumik qatserutaasivik imaluunnit politiit ugguna ikuunnissaminnut siunnersuinissaminnullu piareersimajuaannarput.

**Akilersuisussaatitaannginneq**

Nammeneq illuliorsimangaanni Namminersorlutik Oqartussat aqqutingalungit imaluunnit boligstøtte aqqutingalungu illoqaraanni akilersuisussaatitaaneq tassuunakkullu najungaqartussaatitaaneq nuunnermi atuutsissanngilaq, taamaattumik illungisat pingiinnarneqassapput, kisianni ukiut tamaasa akilersuisussaatitaanerup sivittorneqarnissaa ukiut tamaasa qinnuttingineqartassooq. Illungisaq qimanneraniit attartortinnejarsinnaanngilaq, illungisarlu peqqussutit naapertorlungit aserfallattaalineqassooq sillimmaseqqasussaallunilu.

**Aningaasaqarnermi kingunerisinnaasat:**

Kommunimut aningaasanut kinguneqartussaavoq, kisianni aningaasartuutit suliamut uunga attuumasut nalunaarsorneqarput annertunerpaartaat Namminersorlutik Oqartussanut utertsinnejarsinnaangamik. Massakkumuungallartoq aningaasartuutit qanoq annertutingissanersut oqaatingiuminaappoq piffissallu ingerlanerani ilisimatitsinerit ingerlasarumaarput.

**Inatsisitigut tunngavigisat aamma toqqammavissiisutut allagaatit:**

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Pisortanit ikorsiissutit pilligit Inatsisartut peqqussutaat nr. 15, 20. november 2006-imeersoq
- Nuttarnerulersitsiniarluni tapiissutit pilligit Namminersornerullutik Oqartussat nalunaarutaat nr. 24, 25. august 2008-meersoq

**Suliamik isumaginninneq:**

Aningaasaqarnermut ataatsimiititaliaq  
Kommunalbestyrelse

**Aningaasaqarnermi Ataatsimiititaliami aaliangerneq:**

*Allattoqarfíup Aningaasaqarnermut Ataatsimiititaliamut inassutingaa  
Qulaani nuukkusuttunut suleriusissaq taakkartorneqartoq akuerineqassasoq*

**Aaliangerneq:**

Inassuteqaat akuerineqarpoq, ukuali qulequttat ingerlateqqinnejassapput.

Neqeroorummuit naaggaartut kingullinngorlungit sullinnejarsinnaaneri ataatsimiititaliap ujartorpaa periarfissatut atorneqalissasoq.

Upalungaarsimanermut Ataatsimiititaliaq ataatsimiititaliap piumasaraa orningulluni nassuaajartussasoq qaqqarsuarlu tikillungu alakkarterlungu.

Ineqarnermut Naalakkersuisoq inissialiornissaq pillungu saaffingineqassooq, siusinnerusukkut ajunaarnersuarmik nalaataqarlutik inissaminnik aqqutissiunnejarsimasut assingalungit sullinnejarnissaat pineqarpoq.

**Inassuteqaat:**

Aningaasaqarnermut Ataatsimiititaliap kommunalbestyrelsimit inassutingaa

Aningaasaqarnermut Ataatsimiititaliami aaliangerneq ilalernejassasoq

**Ilanngussat:**

Bilag 001-01: Namminersorlutik Oqartussat suleriusissaq pillungu allakkiaat  
Bilag 001-02: Sumiiffinni sillimaniarnermut pilersaarutit, assersuut Qaarsut

**Aalajangiineq:**

Sag nr.	Sammisaq	Bilag nr.	002
KOM 21-041	Politikkikkut ataatsimiiffissat 2021	Journal nr.	

Uteqqiineq:

Kommunalbestyrelsimi ataatsimiititalianilu ataatsimiinissat aqtsinermi inatsit naapertorlungu kommunalbestyrelsip pilersaarusiortussaavai, tamannalu maajimi ataatsimiinermi ingerlanneqarpoq, kisianni assingiinngittunik pisoqarnera peqtingalungu allattoqarfiup inassutingaa politikkikkut ataatsimiinnissat nikisiallaneqassasut.

Uani suliami kommunalbestyrelsip isummerfingissua ukiup sinneranut ataatsimiinnissat sumi qaungulu ingerlanneqarnissaat.

Suliap saqqummiunnera:

Aqtsinermut inatsimmi allaqqavoq kommunalbestyrelsi aaliangiissasoq qaqgu sumilu ileqqusumik ataatsimiinnerit ingerlanneqassanersut. Ullorsiutilu inissinneqareeraangata tamanut saqqummiunneqartarluni taamatullu Naalakkeruisut ilisimatitsinneqartarput. Naattorsuutanikuvoq kommunalbestyrelse aasakkut sulinngiffeqarluni 23. juni aallartissasoq, kisianni assingiinngittunik pingaarutilinnik ullumikkumut sulianik ingerlatsisoqarpoq, taamaattumillu suli aasaanerani sulinngiffeqarneq aallartinneqarani.

*Iluarsiinissamut siunnersuut – sammisanut tunngatillugu nalilersuineq*

Allattoqarfiup inassutingaa ilanngussami ullut taakkartorneqartut ukiup sinneranut ataatsimiiffiusasut, tassa qaammammik tamarmik nikisiallanneqarput.

**Budgetseminar, Ilulissat**

Missingersuusiorluni isumasioqatingiinnissaq sapaatip akunnera 37-imi, tassa septemberip 14-anit 15-ianut Ilulissani ingerlanneqassasooq.

**Nunaqarfimmi Aqtsisut**

Kursus isumasioqatingiinnerlu Nunaqarfimmi Aqtsisut pilersaarutit naapertorlungit ingerlassooq sapaatip akunnera 33-ami, tassa 20. 23. aamma 24. august, Ilulissani pisussaq ingerlanneqassooq. Nunaqarfimmi Aqtsisut inatsit naapertorlungu suleriutsit pillungit ivertinneqareernermi kingorna kursusertussaangamik. Isumasioqatingiinnermi Tamat Oqartussaaqataanerannut Nunaqarfili Ineriertortinneqarnerinut Ataatsimiititaliaq peqataassasoq allattoqarfiup inassutingaa.

**Missingersuutit akuerineqarpata, Ilulissat**

Missingersuutit inaarutaasumik akuerineqarlerpata 24. november ataatsimiinnissaq Ilulissani ingerlanneqassasoq allattoqarfimmiit inassutingineqarpoq.

Aningaasaqarnermi kingunerisinnaasat:

Missingersuutit iluanni ingerlatsisoqarnissa allattoqarfimmit inassutingineqarpoq.

Inatsisitingut sinaakkutatingullu toqqammaviit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Økonomiudvalg  
Kommunalbestyrelsi

Aningaasaqarnermi Ataatsimiititalami aaliangerneq:

*Allattoqarfíup kommunalbestyrelsímut inassutingaa  
Ilanngussami ataatsimiiffissat sumiiffinnilu assingiinnngittuni ataatsimiinnerit ingerlanneqarnissaat  
saqqummiunneqartut akuerineqassasut*

Aaliangerneq:

Inassutigineqartoq akuerineqarpoq.

Qaanaami ukioq manna ataatsimiissinnaanissaq misissorluarneqaqqaassaaq Aningaasaqarnermullu  
Ataatsimiititaliamullu qaqeqqinnejassaaq.

**Inassuteqaat:**

Aningaasaqarnermut Ataatsimiititaliap kommunalbestyrelsímut inassutingaa

Aningaasaqarnermut Ataatsimiititalami aaliangerneq ilalerneqassasoq

**Ilanngussat:**

Bilag 002-01: Politikkikkut ullorsiutit 2021-mut

**Aalajangiineq:**



Ataatsimiinneq naavoq nal.:

**Atsiorfissaq:**

Aqqalu Clasen Jerimiassen (A) \_\_\_\_\_

Knud Kleemann (A) \_\_\_\_\_

Minik Høegh-Dam (AT) \_\_\_\_\_

Palle Jerimiassen (AT) \_\_\_\_\_

Lena Ravn Davidsen (D) \_\_\_\_\_

Bendt B. Kristiansen (IA) \_\_\_\_\_

Jens Ole Nathanielsen (IA) \_\_\_\_\_

Niels Davidsen (IA) \_\_\_\_\_

Anthon Frederiksen (N) \_\_\_\_\_

Jens Napâtok' (N) \_\_\_\_\_

Ane Qujaukitsoq (S) \_\_\_\_\_

Elisabeth Nielsen (S) \_\_\_\_\_

Jens Kristian Therkelsen (S) \_\_\_\_\_

Jakob Petersen (S) \_\_\_\_\_

Jørgen Kruse (S) \_\_\_\_\_

Magrethe Christensen (S) \_\_\_\_\_

Sakio Fleischer (S) \_\_\_\_\_